

# GIRKOHEARRÁ VIRGÁI ÁSAHEAPME

Girkohearrá virgái ásaheame doaimmaha bismagotti bisma dahje su mearredan báhppa. (GO 18:1). Virgáiásaheaddji bivdá uhcimustá njeallje olbmo veahkkinis.

Oassálastit vázzet girkui ruossamiedušin. Njunnožis bohtet ruossaguoddi ja ginttalguoddit, manjmužžan bisma. Virgái ásahtti báhpas lea badjelis alba, stola ja kasuhkka.

Juos virgái ásahtti báhppa sárdnida, virgáiásaheaddji sárdnida viidábut álggahansániid buohta. Dalle báhca virgái ásahtti báhpa dearvvahus (čuokkis 30) eret.

## I Álggahus

---

### \*1. Álggahansálbma

---

Sálbma 136 dahje miinu girkojagi čuovvu álggahansálmmain. Sálmma sajis lea vejolaš geavahit biibbalsálmma, goarralávlaga dahje čuojanasmusihka.

Álgomusihka áigge lea ruossamieduš.

### 2. Álgosivdnideapme

---

Buessivdnádusa ja vuorrodearvvahusa lea vejolaš lávlut dahje lohkat.

#### Buessivdnádus

Nuohttaráidu 1



L Áh - či ja + Bárt - ni ja Bas-si Vuoiŋ-ŋa nam - mii.




S Á - men, á - men, á - men.

## Vuorrodearvvahus

Nuohttaráidu 1 (Bisma)



L Hear - rá rá - fi leh - kos din - guin.



S Nu son leh - kos maid - dái du vuoij - ñain.

## DAHJE

Nuohttaráidu 1



L Hear - rá leh - kos din - guin.




S Nu son leh - kos maid - dái du vuoij - ñain.

## DAHJE

## Buressivdnádus

Nuohttaráidu 2




L Áh - či ja + Bárt - ni ja Bas - si Vuoij - ña nam - mii.



S Á - men, á - men, á - men.

## Vuorrodearvvahus

Nuohttaráidu 2 (Bisma)



L Hear - rá rá - fi leh - kos din - guin.



S Nu son leh - kos maid - dái du vuoij - ñain.

## DAHJE

Nuohttaráidu 2

The image shows two staves of musical notation in G major (one sharp). The first staff is for the voice (L) and the second is for the organ (S). Both staves have a treble clef and a key signature of one sharp (F#). The lyrics are written below the notes.

**L** Hear - rá leh - kos din - guin.

**S** Nu son leh - kos maid - dáí du vuoij - ñain.

### 3. Álggahansánit ja virgái ásahtahti báhpa ovdanbuktin

---

#### Álggahansánit

Liturga ráhkada álggahansániid ieš dahje geavaha čuovvovačča.

**L** Ráhkis kristtalaččat. Ipmil lea ásahan sierralágan bargguid searvegotti huksehussan. Girkohearrá bargun lea jodihit searvegotti vuoijñalaš eallima ja doaimmaid. Son vástida searvegottistis das, ahte Ipmila sátni sárdniduvvo ja oahpahunvvo riehta, ahte sakrameanttat dikšojuvvojit rievttuid ja ahte searvegottis fuolahuvvo diakonijias, vuolggahus - barggus, sieludikšumis ja kristtalaš bajásgeassimis. Girkohearrá galgá ovtas searvegotti eará bargiiguin sihke luohttámušolbmuiguin fuolahit das, ahte visot dáhpáhunvá buorre ortnegis ja Ipmila dáhtu mielde.

#### Virgái ásahtahti báhpa ovdanbuktin

**L** Odne NN ásahuvvo dán searvegotti girkohearrá virgái. Dat dáhpáhunvá giedaidalabidjamiin ja rohkosiin. Searvegoddi lea su gohččon, ja duopmokapihttal lea addán sutnje čuovvovaš váldegirjji dán virggi várás:

Bisma ávžžuha notára lohkat váldegirjji. Dasto son geige dan bismái.

### 4. Oktasaš rihpat

---

#### Ávžžuhussánit

Ávžžuhussániid sáhtá ráhkadit maiddáí ieš.

Mii leat dán ávvubottus Ipmila muođuid ovddas. Ipmil lea bassi, mii leat suddolaččat. Son lea almmatge lohpidan árpmihit min. Dovddas-tehkot sutnje sudduideamet ja sivalašvuohtamet [ovtta jitnii] ná cealkedettiin:

## Suttudovddastus

Suttudovddastusa sáhtá lohkat ovtta jitnii. Dan boddii sáhtá luoitádit čippiid ala. Suttudovddastusa lea vejolaš boatkut searvegotti rohkodajaldagain dahje –lávlagiin, dahje dan gaskkas sáhtá leat jaskes boddu. Suttudovddastusas sáhtá leat maiddái jaskes rohkos, masa lea vejolaš ávžžuhit ovdamearka dihte: Gula maiddái mu/min jaskes ándagassiiátuma.

Suttudovddastussan lea vejolaš geavahit maiddái sálmma (omd. 49).

Eará suddudovddastusat Ipmilbálvalusaid girjjis.

Almmálaš Áhčči.

Mun lean gásttašuvvon du mánnán.

Don leat jodihan mu seavdnjadasas čuovgasii,  
beastán mu gáđohusas almmi árbbolažžan.

In leat almmatge eallán nugo du mánná galgá.

In leat guldalan du jiena inge jeagadan du dáhtu.

Ipmil, árpmi mu du Bártni Jesusa Kristusa dihtii.

Basa mu buhtisin ja atte buot mu sudduid ándagassii.

## Suttubeastin

Suttubeastima ámena sáhtá lávlut dahje lohkat.

Eará suddubeastimat Ipmilbálvalusaid girjjis.

Ná cealká Hearrá:

”Ale bala, dasgo mun lean du lonistan.

Mun lean du nama mielde gohččon, don leat mu.

Várit gáidoset ja duoddarat doarggistehkuset,  
muhto mu ráhkisvuohta dutnje ii rievdda  
iiige mu ráfilihttu suoibbo.”

**S** Ámen.

## Giittosrohkos

Giittosrohkosa sáhtta lohkat ovttá jitnii.

Eará giittosrohkosat Ipmilbálvalusaid girjjis.

Ipmil, Áhččámet,  
mii giitit du das,  
ahte Jesus Kristus lea rahpan geainnu du lusa.  
Nanne min oskku, lasit doaivvu  
ja odasmahte min ráhkisvuoda.

**S** Ámen.

## 5. Beavvi biibbalsálbma

---

Sáhtta atnit maiddá girkojagi čuovvu dahje apostaliid beavvi biibbalsálbma (Sál 145: 3–7).

Juos álggahansálbma sajis (čuokkis 1) lea geavahuvvon biibbalsálbma, dát čuokkis báhcá eret.

Biibbalsálbma lea vejolaš lávlut dahje lohkat. Dan álggus ja loahpas sáhtta leat antifona.

Biibbalsálbmii laktojuvvo Uhca gudni. Dat guđdojuvvo eret 5. fástoáigge sotnabeavvi rájes.

### Antifona

Eanan lea dievva du árbmugasvuoda, Hearrá,  
oahpat munnje du mearrádusaid.

Sál 119: 64

### DAHJE

Hearrá árbmodaguid mun sárdnidan,  
Hearrá rámidahhti daguid.

Jes 63: 7

### Biibbalsálbma

Máidnojuvvon leage don, Hearrá.  
Oahpat munnje du mearrádusaid.

Baksamiiddánguoin mun gulahan  
buot duomuid mat bohtet du njálmmis.

Mun illudan go vádjolan du láhkabáhkkoimiid mielde,

nugo olmmoš illuda riggodagas.

Mun guorahalan du gohččumiid  
ja geahčadan du bálgáid.

Du mearrádušat leat mu hávskodat,  
in mun vajáldahte du sániid.

Daga buori bálvaleaddjásat,  
vai mun beasan callit ja doallat du sániid.

Rabas mu čalmmiid, vai mun oainnán du lága oavdduid.

Sál 119: 12–18

## Uhca gudni

Gudni Áhččái ja Bárdnái

ja Bassi Vuignii,

nugo lei álggus, dál lea ja álo  
agálašvuodas agálašvuhtii. Ámen.

Antifona geardduhuvvo.

## 6. Hearrá, árpmiit (Kyrie)

---

### MOLSSAEAKTU A

#### Kyrie-litania

Kyrie–litania sáhtá lávlut dahje lohkat.

Eará kyrie–litaniat ja litania-nuohtat Ipmilbálvalusaid girjjis.

**O** Rohkadallot Áhči,

buot buori addi,

ahte son skeŋkešii bálvaleaddjiidasas viisodaga láidet Ipmila  
searvegotti.

[Rohkadallot Hearrá.]

**S** Hearrá, árpmiit min. [Kristus, árpmiit min. Hearrá, árpmiit min.]

**O** Rohkadallot Kristusa,

ráhkisvuoda gáldu,

ahte son attášii bálvaleaddjiidasas návccaid doarjut heajuid.

[Rohkadallot Hearrá.]

**S** Hearrá, árpmit min. [Kristus, árpmit min. Hearrá, árpmit min.]

**O** Rohkadallot Bassi Vuoigŋa,

oktavuoda dahkki,

ahte son ráhkkanahatášii bálvaleaddjiidis ráhkisvuoda ja

doaimmalašvuoda attáldagaiguin.

[Rohkadallot Hearrá.]

**S** Hearrá, árpmit min. [Kristus, árpmit min. Hearrá, árpmit min.]

## MOLSSAEAKTU Á

Hearrá, árpmit

**S** Hearrá, árpmit min.

Kristus, árpmit min.


Hearrá, árpmit min.

## \*7. Gudni (Gloria) ja giittossálbma Bassi Golbmaoktavuhtii

Gudni ja giittossálbma Bassi Golbmaoktavuhtii gahččá eret fástoáigge (gutnagaskavahku rájes) ja adveantaáigge (vuossárgga rájes 1. adveantasotnabeaivvi maŋná ).

### Gudni


Nuohttaráidu 1



**O** Ip - mi - lii leh - kos gud - ni al - la - ga - sas.

### DAHJE

Nuohttaráidu 2



**O** Ip - mi - lii leh - kos gud - ni al - la - ga - sas.

**S** eatnama alde ráfi olbmuide, geaid Ipmil árpmiha.

## Giittossálbma

Giittossálbman sáhtta geavahit čuovvovaš Bassi Golbmaoktavuhtii oamastuvvon sálmmaid: 11:2,3,5, 17:4, 51, 71, 72, 136:7, 236, 395, 396 ja 424.

## 8. Beavvi rohkos

---

Sáhtta atnit maiddái girkojagi čuovvu rohkosa.

Rohkosávžžuhusa ja searvegotti ámena lea vejolaš lávlut dahje lohkat. Ávžžuhusa manjá sáhtta leat oanehis jaskes rohkos.

Nuohttaráidu 1



L Roh - ka - dal - lot.

### DAHJE

Nuohttaráidu 2



L Roh - ka - dal - lot.

Buotveagalaš Ipmil.

Don attát buot áiggiid girkosat báimmaniid,  
gudet áhpásmahttet dan sániinat.

Veahket sin dikšut bálvalanbargguidis oskkáldasat.

Veahket searvedottát oskut evangeliuma  
ja cieggat du sátnái.

Gula min Bártnát Jesusa Kristusa dihtii.

Nuohttaráidu 1



S Á - men, á - men.



## DAHJE

Nuohttaráidu 2



## II Sátni

---

### 9. Vuosttas čálabihtá

---

Lohkkojuvvo girkojagi čuovvu vuosttas čálabihtá. Čálabihtá sáhtá válljet maiddái friddjat.

Lohkki almmuha čálasaji. Searvegoddi guldala čohkut.

Vástádussániid lea vejolaš lohkat dahje lávlut (nuohtat Ipmilbálvalusaid girjjis).

– čálabihtá

[**O** Dát lea Ipmila sátni.

**S** Ipmilii giittus.]

### 10. Vástádus

---

Vástádussan sáhtá leat biibbalsálbma, sálbma, lávlla, čuojanasmusihkka dahje jaskes mediteren.

### 11. Nubbi čálabihtá

---

Lohkkojuvvo girkojagi čuovvu nubbi čálabihtá. Čálabihtá sáhtá válljet maiddái friddjat.

Lohkki almmuha čálasaji. Searvegoddi guldala čohkut.

Vástádussániid lea vejolaš lohkat dahje lávlut (nuohtat Ipmilbálvalusaid girjjis).

- čálabihtá

[**O** Dát lea Ipmila sátni.

**S** Ipmilii giittus.]

### 12. Beaivvi sálbma dahje graduála (Graduale)

---

## \*13. Evangelium

---

Evangelium almmuhuvvo ovdamearkka dihte ná: Čuožžilehkot guldalit bassi evangeliuma. Ovdal evangeliuma ja/dahje dan maŋŋá lea vejolaš lávlut halleluja. Halleluja–lávlagii, mii lea evangeliuma ovddabealde, sáhttá laktit hallelujagurgadasa. (gč. Evangeliumgirjji). Hallelujalávлага nuohat Ipmilbálvalusaid girjjis.

Halleluja gahččá eret fástoáigge gutnagaskavahku rájes. Dalle hallelujalávлага sajis lea vejolaš geavahit sálbmadajaldaga (gč. Evangeliumgirji).

Vástádussániid lea vejolaš lohkat dahje lávlut (nuohat Ipmilbálvalusaid girjjis).

- evangelium

[**L** Dát lea bassi evangelium.

**S** Rámádus dutnje, Kristus.]

## 14. Sálbma

---

Sálmma sajis sáhttá leat eará musihkka.

## 15. Sárdni

---

## III Virgái ásaheapme

---

Ovdal virgái ásaheame sáhttá lávlut sálmma dahje čuojahit eará musihkka, man áigge bisma ja eará doaimmahussii oassálasti olbmot sirdásit áltára gurrii. Veahkeheaddjit čužžot goabbatge bealde bismma, virgái ásaheatti báhppa áltára ovddas.

## \*16. Oskkudovddastus (Credo)

---

Oskkudovddastus lohkkovuvvo ovttá jitnii.

**L** Dovddas dál oskot ovttas searvegottiin.

**S** Mii oskut ovttá Ipmilii,  
buotveagalaš Áhččái,  
almmi ja catnama, buot oinnolačča ja oaidnemeahttuma  
Sivdnideaddjái.

Mii oskut ovttá Herraí, Jesusii Kristusii,  
Ipmila áidna Bárdnái,

guhte lea rieǵádan Áhčis ovdal áiggiid álggu,  
Ipmil Ipmilis,  
Čuovggas Čuovgasis,  
duohta Ipmil duohta Ipmilis,  
riegádan, ii sivdniduvvon,  
geas lea seamma luondu go Áhčis,  
ja gean bokte buot lea šaddan,  
guhte min olbmuid ja min bestojumi dihte  
njejai vuolás almmiin,  
šattai oažžin Bassi Vuoiŋnas ja nieida Márjjás  
ja šattai olmmožin,  
rusiinávlejuvvui min ovddas Pontius Pilatusa áigge,  
gillái jápmima ja hávdáduvvui,  
bajásčuožžilii jápmimis goalmmát beaivve, nugo lei čállojuvvon,  
lávkkii bajás almmiide,  
čohkká Áhči olgeš bealde  
ja boahťa šearratvuodas ruoktot dubmet calliid ja jábmiid,  
ja gean riikkas ii leat loahppa.

Mii oskut Bassi Vuignii,  
Hearrái ja callindahkkái,  
guhte vuolǵá Áhčis ja Bártnis  
ja guhte ovttas Áhčiin ja Bártniin rohkadalloyuvvo ja gudnejahttoyuvvo  
ja guhte lea sárdnon profetaid bokte.

Mii oskut ovttá, bassi, oktasaš ja apoastallaš girku.  
Mii dovddastit ovttá gástta sudduid ándagassiiaddojupmin,  
vuordit jábmiid bajásčuožžileami  
ja boahťti máilmmi callima.

## 17. Lohpádusat

---

Veahkeheaddjit lohket biibbaldeavsttaid.

**L** Dáhtutgo Ipmila vehkiin bissut nanusin dán girku oskkus ja nannet das searvegotti?

Vástáduš:

De dáhtun.

– Joh 15: 5

**L** Don leat váldán vuostái bovdejumi X searvegotti girkohearrá virgái. Dáhtutgo dikšut dán virggi rievttuid ja oskkáldasat Ipmila sáni ja girkomet dovddastusa mielde?

Vástáduš:

De dáhtun.

– Apd 20: 28, 32

**L** Dáhtutgo atnit dán searvegottis fuola das, ahte evangelium sárdniduvvo ja oahpahuvvo buhttásit, sakrameanttat juhkkovvojit Kristusa ásaheapme mielde ja searvegoddid dikšovvojit girkomet ortnega mielde?

Vástáduš:

De dáhtun.

– 1 Biet 5: 2–4

**L** Dáhtutgo ovddidit visot dan, mii lea huksehussan Kristusa girkui, ja callit nu, ahte don leat ovdagovvan searvegoddái?

Vástáduš:

De dáhtun.

**L** Buotveagalaš Ipmil veahkehehkos du doallat dan, maid leat lohpidan.

## 18. Virgái ásaheapme

---

### Virgái ásaheapme

**L** X searvegoddi lea bovden du girkohearrá virgái. Kristusa girku nannehusain, man dat lea Ipmila dáhtu mielde munnje addán, mun ásahan du dán virgái Áhči ja + Bártni ja Bassi Vuoiņa nammii.

**S** Ámen, ámen, ámen.

Bisma addá girkohearrái váldegirjji. Virgái ásahuvvon báhppá luoitáda čippiidis ala. Bisma ja veahkit bidjet gieđa su ala.

**L** Buressivdnidehkos du golbmaoktalaš Ipmil, Áhčči, Bárdni ja Bassi Vuoiņa, ja basuhehkos du bálvalit Kristusa girku dán searvegottis.

### Ávžžuhus

Virgái ásahuvvon báhppa čuožžila.

**L** Ráhkis kristtalaččat. NN lea ásahuvvon dán searvegotti girkohearrá virgái. Válde su ráhkkásit vuostái, doarjot su barggus ja guoddet su rohkosiinnádet Ipmila ovdii.

## 19. Virgái vuolggaheapme

---

**L** Jesus cealká: ”Geahča mu sávzzaid!”. (Joh 21: 16) Vuolgge ráfis ja bálval Hearrá iluin.

Bisma, veahkit ja virgái ásahuvvon báhppa máhccet sadjáseaset.

## 20. Sálbma

---

Sálmma sajis sáhtá leat eará musihkka.

## 21. Oktasaš ovddasrohkos

---

Oktasaš ovddasrohkosa ráhkadeames, sisdoalus ja ollašuhttimis gč. Ipmilbálvalusaid girji. Ovddasrohkosii laktojuvvo čuovvovaš rohkos:

Buotveagalaš Ipmil. Govčča suodjásat du bálvleaddji NN. Veahket su buhttásit sárdnidit ja oahpahit du sáni ja dikšut bassi sakrameanttaid ásahusat mielde. Atte sutnje viisodaga ja gillilvuoda searvegotti jodiheapmái. Veahket searvegotti lahtuid deaivat su rabasvuodain ja ráhkisvuodain. Buressivdnit maiddái su lagamuččaid. Deavdde su ráfiinat ja atte sutnje vuollegašvuoda ja roahkkatvuoda. Atte sutnje luohttámuša dasa, ahte don leat suinna. Veahket su doarjut searvegotti bargiid ja luohttámušolbmuid. Láide su ja min buohkaid oktii almmálaš riikasat.

## IV Eahkedaččat

---

### 22. Oaffarsálbma dahje offertorio (Offertorium)

---

Sálmma áigge čoggojuvvo kolleakta ja eahkedaččat lágiduvvojit áltárbeavdái. Ovdalaš sálmma almmuhuvvo, masa kolleakta čoggojuvvo. Sálmma sajis sáhtta leat goarralávlun dahje čuojanasmusiikka. Kolleavtta lea vejolaš buressivdnidit.

### 23. Eahkedašrohkos (Eukaristalaš rohkos)

---

#### Vuorrolávlla

Nuohttaráidu 1



L Hear - rá leh - kos din - guin.



S Nu son leh - kos maid-dái du vuoiŋ - ŋain.



**L** Ba - ji - deh-ket váim-mui - deat - tet.



**S** Ba - ji - dit dan Hear - rá guv - lui.



**L** Gii - ta - leh-kot Hear-rá, Ip - mi - lea - met.



**S** Nu lea duo-daid-ge vuoi-gat ja doh - ká - laš.

## DAHJE


Nuohttaráidu 2



**L** Hear - rá leh - kos din - guin.



**S** Nu son leh-kos maid - dái du vuoiņ - ŋain.



**L** Ba - ji - deh - ket váim-mui - deat - tet.



**S** Ba - ji - dit dan Hear-rá guv - lui.



**L** Gii - ta - leh - kot Hear-rá, Ip - mi - lea - met.



**S** Nu lea duo - daid-ge doh-ká-laš ja vuoi - gat.

## Prefašuvdna

Prefašuvnna lea vejolaš lávlut dahje lohkat.

### Prefašuvnna álgu

**L** Duodaid lea riekta ja árvvolaš, ahte mii giitit du álo ja juohke sajis,  
bassi Hearrá, buotveagalaš Áhčči, agálaš Ipmil,  
Jesusa Kristusa, min Hearrá bokte.

### Prefašuvnna loahppa

Don leat alidan su olgeš giedat beallái,  
badjeleabbon buot válddiid, fámuid ja hearrávuodaid.  
Su lohpadusa mielde don leat golggahan Bassi Vuoinŋa,  
vai buot álbmogat ja gielat gulahivčče du stuorra daguid.  
Mii giitit du dán almmálaš attáldagas  
ja lávlut dutnje rámadusa eŋgeliiguin ja buot basiiguin:

### \* Bassi (Sanctus)

Searvegoddi sáhhtá čuožžut Bassi–hymna rájes Ipmila Láppis –hymna rádjai.

**S** Bassi, bassi, bassi Hearrá Sebaot!

Albmi ja eana dievva lea du šearratvuodainat.

Hosianna allagasas!

Sivdniduvvon lehkos son, guhte bohtá Hearrá nammii.

Hosianna allagasas!

## Rohkos ja áсахansánit

Eará eahkedašrohkosat Ipmilbálvalusaid girjjis.

Bassi Áhčči. Oppa luondduriika máidnu du, buot eallima addi. Don it hilgon sivdnádusaidat suttu ja jápmima válddi vuollái, muhto sáddejit du áidna Bártni olmmožin, vai son beasttášii min. Mii giitit du dan lonástusas, man don leat válmmaštan midjiide su dievaslaš oaffariin ruossa alde. Son mávssii min vealggi ja dagai ráfi duinna ja minguin.

*Hearrámet Jesus Kristus, dan ija go son behttojuvvui,  
válddii láibbi, buressivdnidii (+) ja doadjalii dan,*



*attii máhttájeaddjiidasas ja celkkii:  
Váldet ja borret. Dát lea mu rumaš,  
mii addojuvvo din ovddas.  
Dahket dan mu muitun.*

*Nu son válddii maiddái geara, giittii (+) ja celkkii:  
Juhket dás buohkat.  
Dát gearra lea odda lihttu mu varas,  
mii golggahuvvo din ovddas  
suttuid ándagassii addojupmin.  
Nu dávjá go dii das juhkabehtet,  
dahket dan mu muitun.*

Mii ávvudit buot das, maid Bárdnát lea min ovddas dahkan, ja doallat dáid bassi mállásiid, main mii beassat oasálažžan lonástusa čiegusvuodas. Mii muittašit su jápmima, bajásčuožžileame ja albmáimannama. Mii vuordit su máhcama šearratvuodas.

[**S** Mii gulahit su jápmima.  
Mii duodaštit su bajásčuožžileame.  
Mii vuordit su boahtima iežas gudniin.]

Sádde du Bassi Vuoiŋŋa buressivdnidit min, vai válddášeimmet oskkus vuostá du Bártni rupmaša ja vara. Ovttastahte min sutnje ja nuppiidasamet. Veahket min oaffaruššat iežamet ealli oaffarin Kristusis, dutnje giittusin ja gudnin.

Su bokte, suinna ja sus  
gullá dutnje, buotveagalaš Áhčči  
Bassi Vuoiŋŋa oktavuodas  
gudni ja šearratvuohta álo ja agálaččat.

**S** Ámen.

## 24. Áhččámet (Pater noster)

---

Herrá rohkos celkojuvvo ovttá jítne.

**S** Áhččámet, don guhte leat almmis.

Basuhuvvos du namma.

Bohtos du riika.

Šaddos du dáhttu,

mo almmis nu maiddái eatnama alde.

Atte midjiide odne min beaivválaš láibbi.

Ja atte midjiide min suttuid ándagassii,

nugo miige ándagassii addit velggolaččaidasamet.

Alege doalvvo min geahččalussii,

muhto beastte min bahás eret.

Dasgo du lea riika ja fápmu ja gudni agálašvuhtii.

Ámen.

## 25. Herrá ráfi (Pax)

---

Vuorrolávлага мангá lea vejolaš ávžžuhit ráfi sávaldahkii. Searvegotte olbmot buorástahttet nuppiideaset ja celket ovdamearkka dihte: Kristusa ráfi dahje Ipmila ráfi.

Nuohttaráidu 1




**L** Hear - rá rá - fi leh - kos din - guin.



**S** Nu son leh - kos maid - dái du vuoiŋ - ŋain.

**DAHJE**

Nuohttaráidu 2



**L** Hear - rá rá - fi leh - kos din - guin.



## \*26. Ipmila Láppis (Agnus Dei)

---

Liturga sáhtta doadjit eahkedašláibbi Ipmila Láppis –hymna áigge.

**S** Ipmila Láppis don, guhte guottát máilmmi suttu,  
árpmit min, árpmit.  
Ipmila Láppis don, guhte guottát máilmmi suttu,  
árpmit min, árpmit.  
Ipmila Láppis don, guhte guottát máilmmi suttu,  
atte midjiide ráfi.

## 27. Eahkedaččaid juohkin

---

### Eahkedašbovdehus

**L** Ávdugasat sii geat leat bovejuvvon Lábbá headjamállásiidda.  
Bohtet, buot lea juo válmmaštuvvon.

### DAHJE

**L** Jesus cealká: ”Bohtet mu lusa,  
buohkat geat rahčabehtet ja guoddibehtet lossa nodiid,  
de attán didjiide vuoijñadusa.”

### DAHJE

**L** Bohtet, váldet vuostái Kristusa rupmaša.  
Bohtet, juhket jápmemeahttunvuoda ádjagis.

### Eahkedaččat (Communio)

Eahkedaččaid juogadeame áigge sáhtta leat sálbmálavlun dahje eará musihkka.

Láibbi juogadettiin celkojuvvo:

[Min Hearrá Jesusa] Kristusa rumaš, du ovddas addojuvvon.

Rihppaguossi sáhtta vástidit: Ámen.

Viinni juogadettiin celkojuvvo:

[Min Hearrá Jesusa] Kristusa varra, du ovddas golggahuvvon.

Rihppaguossi sáhtta vástidit: Ámen.

## Loahpahansánit

Loahpahansániid maŋŋá eahkedašlihtit gokčojuvvojit (ja sirdojuvvojit veahkkebeavddi ala). Ovdal giittosrohkos (čuokkis 28) sáhtta leat jaskes boddu.

**L** Mii leat vuostáiváldán Hearrá Jesusa Kristusa.

Várjalehkos son min agálaš eallimii.

**S** Ámen.

### DAHJE

**L** Min Hearrá Jesusa Kristusa rumaš ja varra  
vurkejhkos oppa min vuoiŋŋa, sielu ja rupmaša  
agálaš eallimii.

**S** Ámen.

## 28. Giittosrohkos

---

Rohkosávžžehusa ja searvegotti ámena lea vejolaš lávlut dahje lohkat.

Nuohttaráidu 1



**L** Roh - ka - dal - lot.

### DAHJE

Nuohttaráidu 2



**L** Roh - ka - dal - lot.

Almmálaš Áhčči, mii giitit du eahkedaččaid attáldagas,  
mainna don nannet min oskku dutnje.

Mii giitit du Bassi Vuoiŋŋat ovddas,

man don attát midjiide bargguidasamet girkus ja máilmmis.  
 Giitu ahte vuolgahat bargiid lájuidasat.  
 Divtte soabahusa sága sárdniduvvot juohke guovllus.  
 Váldde min oktii du riikka hearvásvuhtii.  
 Dán mii bivdit Bártnát Jesusa Kristusa dihtii.

Nuohttaráidu 1



**DAHJE**

Nuohttaráidu 2



## V Loahpaheapme

---

### 29. Máidnun

---

Máidnumin lea vejolaš geavahit maiddái sálmma (omd. 77:4, 118:1–2, 306, 424:3–4 ja 467:7–10).

#### Benedicamus

Nuohttaráidu 1



**DAHJE**

Nuohttaráidu 1



**\*S** Ipmilii giittus. Halleluja!

Fástoáigge gutnagaskavahku rájes:

**\*S** Ipmilii giittus. Ámen.

## 30. Dearvvahus

---

Virgái ásahuvvon girkohearrá sáhtá cealkit oanehis dearvvahusa.

## \*31. Buressivdnáduš

---

**L** Hearrá buressivdnidivččii din ja várjalivččii din.

Hearrá čuvgešii muođuidis didjiide

ja livččii didjiide árbmugas.

Hearrá jorgalivččii muođuidis din beallái

ja attášii didjiide ráfi.

Áhči ja + Bártni ja Bassi Vuoiŋŋa nammii.

**S** Ámen.

## Vuolggapeapme

---

Ávžžuhus celkojuvvo aiddo ovdalaš vuolgima.

**B** Mannet ráfis ja bálvlehket Hearrá iluin.

## \*32. Loahpahanmusihkka

---

Loahpahanmusihkkan sáhtá leat sálbma, goarralávlla dahje čuojanasmusihkka.

Musihka áigge ruossamieduš máhccá boahtrinortnegis. Searvegoddi sáhtá searvat mihtošii.